

PLEIV TUJETSCH



Rapport annual 2014

Invitaziun

alla radunonza generala ordinaria dalla Pleiv Tujetsch
gliendisdis, ils 15 da zercladur 2015 allas 20:00 uras
ell'aula dalla casa da scola a Sedrun

Tractandas

1. Avertura e beinvegni
2. Elecziun dils dumbravuschs
3. Protocol dalla radunonza generala dils 16.06.2014
4. Rapport dil president dalla Pleiv
5. Rapport dalla presidenta dil cussegl pastoral
6. Rendaquen, rapport dils revisurs ed approbaziun dil quen 2014
7. Preventiv e fixar il pei da taglia
8. Elecziuns
 - cassier, actuar
 - cassier cussegl pastoral
9. Varia

En num dalla suprastonza dalla pleiv Tujetsch envidein nus Vus, preziai commembers da nossa cuminonza, alla radunonza generala da Vossa pleiv.

Ei legrass nus zun fetg d'astgar beneventar in grond diember a quella impurtonta radunonza.

Il president
Leci Brugger

Il vicepresidente
Ignazi Monn

Protocol

**Radunonza generala dalla Pleiv Tujetsch
ell'aula dalla casa da scola a Sedrun, ils 16-06-2014 allas 20.00 uras**

Presents: 39 personas

Perstgisas: Jovita Loretz, Vina Loretz, Doris Friberg, Nescha Cavegn

Tractandas

1. Avertura e beinvegni
2. Elecziun da dus dumbravuschs
3. Protocol dalla radunonza generala dils 10-06-2013
4. Rapport dil president dalla Pleiv
5. Rapport dalla presidenta dil cussegl pastoral
6. Rendaquen, rapport dils revisurs ed approbaziun dil quen 2013
7. Preventiv e fixar il pei da taglia per igl onn 2014
8. Damonda per il credit necessari per in niev aultplidader a s. Vigeli
9. Elecziuns: commembers dil cussegl pastoral
10. Varia

1. Avertura e beinvegni

Il president Leci Brugger arva la radunonza cun far in cordial beinvegni a tuts presents. In special beinvegni fa el a nies plevon sur Thomas Arkuszewski. La gliesta da tractandas vegn amplificada suandontamein:

10. Approbar il contract da servitud persunal denter pleiv e vischnaunca
11. Varia

2. Elecziun da dus dumbravuschs

Sco dumbravuschs vegnan Guido Monn e Silvio Soliva proponi ed elegi unanimamein.

3. Protocol dalla radunonza generala dils 10-06-2013

Il protocol dalla radunonza generala dils 10-06-2013 ch'ei vegnius publicaus el rapport annual dalla Pleiv Tujetsch vegn approbaus unanimamein.

4. Rapport dil president dalla Pleiv

Era il rapport dil president dalla Pleiv Leci Brugger ei vegnius publicaus el rapport annual. Il rapport vegn medemamein approbaus unanimamein.

5. Rapport dalla presidenta dil cussegl pastoral

Il rapport dalla presidenta dil cussegl pastoral, Ursulina Cavegn, ch'ei medemamein vegnius publica us el rapport annual vegn era approbaus unanimamein.

Il president Leci Brugger engrazia ad Ursulina Cavegn ed a tuts commembers dil cussegl pastoral per lur lavur prestada enteifer igl onn vargau.

6. Rendaquen, rapport dils revisurs ed approvaziun dil quen 2013

Il quen ch'ei era vegnius publica us el rapport annual dalla Pleiv Tujetsch declara nies cassier Simeon Cavegn minuziusamein. Il cassier fa attents che las entradas ein sesminuidas muort la finiziun dalla NEAT.

Il president Leci Brugger engrazia al cassier Simeon Cavegn per sias informaziuns detagliadas. El seigi in fideivel commember dalla suprastanza, e quei gia 18 onns.

Il revisur Linus Vincenz engrazia medemamein al cassier Simeon Cavegn per sia lavur exemplara. Sco usitau ei il quen vegnius menaus conform alla contabilitad moderna, schuber e bein. Tuts mussaments ein avon maun e corrispundan allas cudischaziuns. Ils revisurs Linus Vincenz ed Emil Soliva proponan d'approbar il quen 2013.

Il quen 2013 vegn approbaus unanimamein.

entradas	frs. 360'376.25
expensas	frs. 365'428.12
<i>fatg anavos</i>	<i>frs. 5'051.87</i>

7. Preventiv e fixar il pei da taglia per igl onn 2014

Il preventiv 2014 vegn approbaus unanimamein.

Il pei da taglia resta sco igl onn vargau.

8. Damonda per il credit necessari per in niev aultplidader a s. Vigeli

Il president Leci Brugger communichescha che tuts parochians hagian saviu far la differenza denter ils aultplidaders vegls ed igl aultplidader niev ch'ei staus installaus per in temps d'emprova en baselgia da s. Vigeli a Sedrun. Il niev aultplidader cuosta frs. 11'000.00. Per la montascha sto supplementar vegnir quintau cun ina summa da frs. 2'000.00. Sur d'ina tala summa astga la suprastanza buca decider sulettamein. Per quei motiv vegnan ils paro-

chians dumandai a caschun dalla radunonza generala.
Ei ha dau negina discussiun.

Il president Leci Brugger fa la tscharna:

Tgi ei dil meini da conceder il credit necessari da frs. 13'000.00 per in aul-
tolidader?

19 parochians ein per dar il credit necessari.

5 parochians ein encunter dar il credit necessari.

9. Elecziuns

Doris Friberg e Lucia Giossi ein stadas promptas da vegnir commembras dil
cussegl pastoral.

Cun in applaus vegnan ellas elegidas en il cussegl pastoral.

Il president Leci Brugger engrazia allas dunschalas ch'ellas ein sedeclaradas
promptas da sorprender quell'incarica.

10. Approbar il contract da servitud persunal denter pleiv e vischnaunca

Contract da servitud denter la vischnaunca da Tujetsch e la Pleiv catolica
da Tujetsch concernent dretg da diever vid il santeri e dretgs da diever
communabel vid ils clutgers baselgia e differents locals cun indrezs, cun
ruglar ils cuosts comunabels

en disfavour dalla parcella nra. 1197 (baselgia parochiala s. Vigeli Se-
drun) e dalla parcella nra. 2311 (baselgia s. Giachen Rueras)

en favur dalla vischnaunca da Tujetsch.

Sut tractandum 10 relata sgr. president Leci Brugger cuortamein il senn
ed intent da quella tractanda. Silsunter surdat el il plaid al cassier Simeon
Cavegn per preleger il cuntegn dil contract. Tal prelegia quel minuziusamein
als 39 presents alla radunonza e declara era en detagl ils differents passus.

Suenter la prelecziun vegn dau liber la discussiun.

Negin fa diever dalla discussiun ed ei vegn passau tier la votaziun.

Il contract vegn acceptaus unanimamein cun 39 vuschs persunter e ne-
ginas vuschs encunter.

11. Varia

Guido Monn pren il plaid:

El hagi scret alla suprastonza dalla pleiv ed alla suprastonza da vischnaunca

pertuccont il tuchiez. Plinavon hagi el fatg entgins patratgs davart nossa biala baselgia. Adina puspei audan ins da hosps, tgei biala baselgia che la val Tujetsch hagi. Guido Monn fa la proposta da schar ir musica biblica en baselgia duront il temps che negin survetsch divin ha liug. Sin siu sriver hagi el denton survegniu negina risposta. Ussa spera el sin in'informaziun dalla suprastanza.

Il president Leci Brugger engrazia a Guido Monn per ses plaid.

Il president Leci Brugger orientescha:

La suprastanza dalla pleiv e la suprastanza da vischnaunca han giu publicau en la Tuatschina nr. 9 (adattaziun dil tuchiez dallas baselgias da Sedrun e Rueras) ina proposta sco agir encunter las reclamaziuns che la pleiv ha survegniu partenent il tuchiez. Ils biars parochians/as han malcapiu quei sriver, numnadamein sco ina decisiun dalla suprastanza dalla pleiv e dalla suprastanza da vischnaunca.

A quels che han priu posiziun a scret ni che han suttascret la petiziun da dunna Nescha Cavegn (72 suttascripziuns per schar nies usit sco tochen da cheu) engrazia il president. La suprastanza aveva survegniu tschun brevs da hosps cun la reproscha ch'il tuchiez dalla damaun sco era il dar las uras duront la notg disturbi la sien.

Muort quels differents meinis ein la suprastanza dalla pleiv e la suprastanza da vischnaunca aunc inagada sesi ensemen e decidiu da schar il dar las uras duront la notg sco tochen da cheu e scursanir il tuchiez dalla damaun sin duas minutas. Per empruar da reducir il tun dil tuchiez vegn montau el nord dil clutger ina platta cumprimida (Spanplatte). Sche quei havess da reducir la canera, vegn montau ina finiastra isolada.

Il president pren notizia dalla proposta da schar ir musica en baselgia. Quella proposta vegn tractada enteifer la suprastanza.

Guido Monn ei cuntents cun quell'informaziun.

Il president Leci Brugger informescha che tut quels che hagian scret ina brev pertuccont il tuchiez dallas baselgias survegnien il proxim temps ina risposta dil president.

Dunna Eveline Cavegn damonda, daco ch'ils bauns davostier en baselgia

da s. Vigeli a Sedrun seigien vegni pri ora. Quels bauns eran adattai per tals cun impediments.

Simeon Cavegn declara che quels bauns seigien gia vegni pri ora duront la davosa renovaziun.

Silvio Soliva ei dil meini ch'ei seigi donn che la baselgia a Selva seigi pil pli serrada. Muort enguladetschs e per evitar donns en baselgias e capluttas es-san nus sfurzai da serrar entginas baselgias e capluttas, declara il president.

Leci Brugger orientescha che nus hagian aunc adina ina differenza cun sur Reto Nay partenent sia paga. Il motiv ei che nus havevan visau ad el la piazza ils 13 da mars 2013 senza preavis. Sur Nay pretenda che la suprastanza hagi empermess ad el la paga entochen fin october. In advoct ha suenter ina consultaziun attestau che nus hagian negina obligaziun da dar la paga a sur Nay entochen fin october. Nus sperein ton pli spert sin ina decisiun dils organs dalla baselgia catolica Grischuna ni dalla dertgira.

Allas 21.10 uras siara il president Leci Brugger la radunonza e giavischa in bien retuorn a casa.

Sedrun, ils 18-06-2014

Il president:
Leci Brugger

Igl actuar:
Arthur Caduff

Rapport annual 2014

Duront igl onn 2014 havein nus astgau guder la pastoraziun da nies niev plevon sur Thomas Arkuszewski. Igl onn avon havein per part stuiu secuntentar cun ina pastoraziun reducida. Cun l'entschatta dalla pastoraziun entras sur Thomas ha ei simplificau l'organisaziun dils survetschs divins e pastorals. Era per la suprastonza dalla pleiv ha quei levgiu l'organisaziun.

Jeu sesprovel da dar in cuort rapport sur dil curiu e passau egl onn 2014. En emprema lingia lessel engraziar grondamein a sur Thomas per siu engaschi. El ei sefatgs beinvesius en nossa pleiv e nus sperein ch'el sesenti vinavon bein tier nus.

Naschientschas, nozzas, mortoris

Egl onn vargau havein nus giu en nossa pleiv 8 battens, 2 nozzas e 14 mortoris. Als geniturs che han schau battegiar lur affons ed als conjugals che han dau in a lauter lur gie lessel gratular da cor e giavischar buna ventira e la benedicziun dil Segner per il futur. Als defuncts detti Dieus il ruaus perpeten.

Suprastonza e secretariat

La suprastonza ha liquidau las fatschnetas dalla pleiv en 10 sedutas. Sco ils onns vargai havein giu ina buna collaboraziun. Jeu engraziel als consu-prastonts per lur bien susteniment. Nossa secretaria Margrith Cavegn ei engaschada per la publicaziun dil program dils survetschs divins, procurar per ministrants, lecturs, registraziun da battens, nozzas e mortoris e.a.v. Ella fa quella lavur exact e cunscienzusamein e meretta in laud ed engraziament.

Calustras e calusters

Sur da nos calusters saiel rapportar mo bien sco dapi biars onns. Da quei saveis era vus seperschuader en baselgia. A Giusep e sia consorta Marianna Monn, Sedrun ed Imelda Monn, Rueras sco a Gion Giachen Monn caluster da Selva lessel engraziar spezialmein en num dalla pleiv. Els s'engaschan pietusamein per pastoraziun e liquideschan las lavurs che cumpetan dasperas cun plascher e per nossa cumpleina cuntentientscha. Era ils calusters dallas nov capluttas merettan in grond Dieuspaghi per lur quitau dallas capluttas. Els fan quei volontari e senza gronda indemnizaziun. Las capluttas che vegnan frequentadas regularmein per far survetschs divins dattan dabia quitau e lavur. Bien engraziament era ad els per la lavur. Nus sperein ch'els tuts hagian vinavon la motivaziun e perseveronza da star fideivels alla pleiv.

Baselgias

Baselgia s. Vigeli

Pertuccont la baselgia parochiala havein adina puspei giu lamentaschuns ch'ins audi buca bein igl augsegner duront ils survetschs divins. Ord quei motiv havein schau offerir e lu montau in niev aultplidader dalla tecnica nova che reparta il tun egl entir raiun dils bauns. Quei niev aultplidader remplazza ils quater aultplidaders ch'eran montai avon. Tenor il resun dils parochians/As cuntenta il resultat da quell'investiziun. Neginia migliur ha l'installaziun denton purtau sin lautga. Quei haveva il furnitur digl aultplidader denton detg a nus.

Capluttas

Quasi tuttas capluttas havessan da temps en temps basegns da schar dar colur las Fassadas e per part era las preits en caplutta. Tenor experientscha eis ei strusch d'impedir che la colur sedistacca adina puspei dals mirs. Schebi che la gronda part dallas capluttas han quasi neginia facultad lessan nus mantener quellas, aschia ch'ellas sepresentien bein ed orneschien nossa vischnuanca.

La restauraziun dalla caplutta da Nossadunna dalla Neiv a Zarcuns ei sco finida. Ils maletgs egl arviul ein vegni restaurai e sepresentan en nova splendor. Ils 31 da matg ei la fiasta d'inauguraziun e la caplutta stat puspei a disposiziun per survetschs divins e per visetas e muments da reflexiun ed oraziun. Muort il sustegn dalla confederaziun, dil cantun Grischun e da pliras fundaziuns caritativas mo era sin fundament dil grond sustegn da nossas parochianas e parochians havein nus saviu realisar quella restauraziun.

La renovaziun dalla caplutta ei reussida bein. Nies architecht Bruno Indergand ha organisau las lavurs per nossa cumpleina cuntentienscha. Restauratur Ivano Rampa e sia conlvrera Maura Ponti han fatg lavur exacta cun pazienza, inschign cumpetent. Sco cussegliader e survigliader dallas lavurs ein signur Hans Rütishauser sengaschus sco representant digl uffeci per schurmetg da monuments.

Cussegl pastoral

La presidenta dil cussegl pastoral Ursulina Cavegn metta sezza a scret il rapport annual. Ursulina ei ina engaschada presidenta. Jeu lessel engraziar

ad ella per siu engaschi sco presidenta dil cussegl e per igl engaschi en baselgia en favur dils affons. Era ils commembers dil cussegl merettan in grond engraziament per lur engaschi.

Chors baselgia Sedrun e Rueras ed ils organists

Ils chors baselgia da Reuras e Sedrun embeleschan ils survetschs divins cun in ault nivo da cant. En num dils parochians e parochianas engraziel e fetschel al dirigent, allas cantaduras e cantadurs e lur presidents in grond laud. Nus sperein ch'ils chors sappain salvar vinavon il bien dirigent Gieri Spescha e semantegnien per plascher e rihezia culturala per la pleiv e vischnaunca da Tujetsch.

Ductrina

Cun Ursulina Cavegn e Hubert Venzin havein nus duas fideivlas e competentas personas che dattan l'instrucziun da religiun. En connex cun la religiun segidan els era a formar differentas devoziuns sco dumengi'alva, survetschs divins da scola e.a.v. Previu ei ch'era sur Thomas sorprendi ina part dall'instrucziun da ductrina egl avegnir.

Gidonters voluntaris

La pleiv drova biaras personas che sorprendan voluntariamein in post ni l'auter jeu menziuneschel cheu quels che partan ora la communiun ed ils lecturs. Mo ei drova aunc biars auters che segidan. A quels tuts in grond Dieuspaghi.

Fundaziun «Tür auf mo vinavon»

Quella fundaziun ecumena s'engascha per projects socials en nossa regiun sco: Lavur da giuventetgna, sustegn dil project Mbara Ozoma en Nigeria, Camps Cadi, Arena, ina purschida da referats, agid da far pensums e sustegn per scolars e students. 2014 ei la KITA, in post per surschar affons pigns duront il di, quei surtut per geniturs che van a luvrar parzialmein. Sur Roland Just sengascha fetg per scaffir ed administrar projects socials. En num dalla pleiv lessel renconuscher siu engaschi ed admetter ad el in grond engraziament

Sin la pagina www.auavivacadi.ch saveis vus s'informar ed anfleis ils «links» tier las paginas dils different projects. Ei fuss da beneventar sch'era ils Tuatschins fagessan aunc pli stedi part dallas purschidas dalla fundaziun.

Engraziament e conclusiun

Alla fin lessel repeter mia sincera renconuschientscha ed il grond engraziment per tuts engaschai dalla Pleiv Tujetsch, specialmein a sur Thomas.

Per la suprastonza dalla pleiv Tujetsch

Il president, *Leci Brugger*



Altar s. Bistgaun, Giuf



Altar s. Brinda

Rapport annual dil cussegl pastoral 2014

Preziadas parochianas e preziai parochians

Sco mintg'onn less jeu el num dil cussegl pastoral presentar a Vus il rapport dil curiu e passau igl onn ora.

Il pensum dil cussegl pastoral serepeta onn per onn, aschia era il rapport.

Program da lavur 2014

Survetsch divin dalla plonta

Era uonn han ils scolars astgau embellir il survetsch divin dalla plonta. Per mintga parochian/A che ha bandunau nus duront igl onn ora han ils scolars envidau ina candeila sco era pendiu in feagl vid la plonta en memoria dil defunct. Nos cars defuncts ruaussien en pasch.

Sontgaclau

Sco usitau ei il Sontgaclau era vegnius uonn tier ils affons en baselgia. Ensem cun la gruppa "affonets en casa da Diu" ha il s. Clau raquintau ina historia, cantau ed urau cun ils affons. Silsunter ei il Sogn semess sin via per far las visetas a casa.

Grond engraziament al Sontgaclau.

Rorate

Bein marvegl allas 06.00 uras havein nus clamau ils parochians per celebrar in survetsch divin a Sedrun ed a Rueras. Silsunter ha il cussegl pastoral purschiu in caffè cun in cornet. Grond engraziament a tut quels che han priu part a quella biala devoziun.

s. Retgs

Denter Daniev e Buania visetan ils s. Retgs las casas dalla vischnaunca. Igl ei il temps cun massa jasters en nossa val, ils quals schazegian zun fetg quei usit. Aschia han ils scolars/As giu gronda lavur per dumignar tut las casadas. Per segidar e mussar la via, accumpognan ils commembers/As dil cussegl pastoral ils s. Retgs. La donaziun va uonn per renovar ils vestgius dils s. Retgs ed il rest per ina instituziun caritativa. In grond engraziament a tuts quels che han dau albiert e susteniu ils s. Retgs.

In special engraziament sauda als scolasts per l'instrucziun cantica, als scolars/As sco era a tuts gidonters/As per lur engaschi.

Affonets en casa da Diu

Uonn essan sentupai 5 gadas cun nos pignets. Igl ei in plascher da veser sco ils pignets ein activs. Els gaudan dad esser cun nus en baselgia, udir ina historia, cantar sco era urar ensemen. Grond engraziament ad Andrina ed Jolanda per il grond agid.

Aperitivs

Da perdanonza a Sedrun ed a Rueras astgein nus mintgamai survir in aperitiv. Era da dumengia alva vegn surviu in aperitiv da fiasta. Saver star ensemen suenter il survetsch divin e suenter la processiuin, tedlar la musica, guder in bien migiel vin e dar ina paterlada cun il vischin, quei ei cuminonza. Oz en nies temps da hectica ei quei pir che mai impurtont. Quei ei ina part da nossa cuminonza da pleiv, haver temps e prender peda in per l'auter.

Plaid final

Sco finiziun da miu rapport lessel engraziar a sur Thomas per siu grond sustegn e bien agid. Als commembers dil cussegl pastoral cun lur confamiliars, alla suprastonza dalla pleiv, als calusters/As, als lecturs, alla gruppa liturgica, allas gidontras „affonets en casa da Diu“, als ministrants/As, als chors da baselgia ed als dirigenti, alla musica, als organists ed a tuts quels che ein segidai per il beinstar da nossa pleiv.

A tuts in grond Dieus paghi.

Camischolas, avrel 2014

Per il cussegl pastoral, *Ursulina Cavegn*



**Staziun ord la via
dalla crusch**

Bilanza per ils 31-12-2014

Activas	Onn current	Onn precedent
Facultad currenta		
Conto Banca Raiffeisen	3'246.91	31'891.09
Dabien taglia da cult	231'312.60	208'550.00
Dabien taglia anticipada	142.15	162.15
Debiturs	1'444.80	974.30
Activas transitoricas	0.00	0.00
Vaglias: Conto da spargn BRC	104'202.10	106'950.40
Commembradi Raiffeisen	200.00	200.00
Conto spargn «Camp ministrants»	5'958.05	6'676.10
Facultad plazzada		
Casa pervenda Sedrun	304'000.00	308'700.00
Casa pervenda veglia Sedrun	138'300.00	140'400.00
Casa pervenda Rueras	113'900.00	115'600.00
Casa pervenda Selva	143'000.00	145'200.00
Baghetg Selva	27'500.00	27'500.00
Faner Rueras	5'100.00	5'100.00
Prau agricol	14'000.00	14'000.00
Total activas	1'092'306.61	1'111'904.04
Passivas		
Capital jester		
Crediturs	6'934.20	4'889.50
Creditur «Taglia Fontauna»	0.00	0.00
Deivet hipotecar	120'000.00	120'000.00
Passivas transitoricas	20'000.00	20'000.00
Agen capital e reservas		
Capital agen	967'014.54	972'066.41
Reservas manteniment baghetgs e baselgias	0.00	0.00
Gudogn / sperdita digl onn	-21'642.13	-5'051.87
Total passivas	1'092'306.61	1'111'904.04

Quen annual 2014

	Onn current	Onn precedent
1. Entradas		
1.1 Taglias		
Taglia da cult	234'570.85	264'426.95
Taglia alla fontauna	23'953.50	32'174.15
1.2 Tscheins		
Tscheins casa	54'180.00	48'180.00
Tscheins activs	416.42	476.45
Tscheins da praus e terren	4'021.40	4'021.40
1.3 Contribuziuns		
Contribuziun caluster	1'500.00	1'500.00
Contribuziun ductrina	6'000.00	6'000.00
Bunamanas sontget Gediun	0.00	0.00
Donaziuns per ministrants	340.00	280.00
Donaziuns per sunar orgla	50.00	0.00
Taxas da sepult.p.persunas extradadas	0.00	700.00
Diversas entradas	409.20	2'617.30
Total entradas	325'441.37	360'376.25
2. Expensas		
2.1 Cuosts da persunal / instanzas		
Pagas	189'566.00	143'607.00
Pagas e cuosts funcziunaris	14'837.50	14'382.50
Gratificaziuns	300.00	0.00
Pagas augsegners gidonters	1'370.00	8'000.00
Lavur da giuventetgna CADI	11'884.20	10'813.70
Cussegl pastoral	1'500.00	1'765.60
Cuors da perfecziun	1'485.00	0.00
Indemnisaziun organists	8'142.60	7'591.80
Honoraziuns e regals da persunal	220.75	1'735.00
Ulteriurs cuosts da persunal	3'220.20	4'432.70
Albiert e dunsena plevons jasters	272.80	1'529.80

2.2 Cuosts socials

Cassa da cumpensaziun AVS	14'311.20	10'954.25
Cassa da pensiun	9'524.30	4'512.80
Cassa da malsaus ed accidents	1'646.40	1'424.20
Aquisaziun da persunal	0.00	552.00
Indemnisaziun da spensas	250.00	250.00
Sedutas / protocols	4'866.00	5'887.00

2.3 Cuosts immobilias ed indrezs

Manteniment casas	9'818.65	12'820.90
Manteniment baghetgs	0.00	1'500.00
Manteniment indrezs	1'872.75	2'893.85
Manteniment indrez d'alarm s.Vigeli	0.00	0.00
Manteniment e cuosts dad orglas	1'381.00	1'381.00
Manteniment baselgias	3'789.50	936.40
Manteniment capluttas	3'280.90	475.20
Lavurs da contuorn	1'620.40	1'794.35

2.4 Cuosts da vehichels e transport

Bonificaziun auto plevon	3'600.00	2'100.00
Cuosts da viadi dil persunal	560.60	1'411.40
Cuosts da viadi per excursiuns	620.00	0.00

2.5 Segiradas, contribuziuns, taxas

Premias da segiradas	3'360.20	3'272.75
Contribuziuns e taxas	4'681.30	2'400.80
Provisiun incasso taglia	7'797.35	8'596.97

2.5 Cuosts d'energia

Ieli/electricitad/aua	3'187.75	8'949.90
Serenera/canalizaziun/miardas	3'781.00	3'909.15

2.6 Cuosts d'administraziun

Material da biro	2'169.95	1'257.75
Gasettas, lectura e.a.v.	2'646.20	323.90
Telefon, internet	1'040.15	1'272.60
Francaturas, portos	516.05	391.40
Uorden per dar ductrina	5'162.05	7'375.30

Contribuziuns, donaziuns	1'760.15	31'570.00
Ulivaziun sperditas	0.00	1'500.00
Cuosts ministrants	1'068.30	2'553.15
Cuosts da contabilitad e cussegliaziun	0.00	1'889.45
Lizenzas e tgira EED	301.30	390.40
2.7 Stampats e material da reclama		
Inserats	0.00	59.00
Publicaziuns	2'560.25	4'797.75
Embelliments	520.55	526.00
2.8 Diversas		
Diversas expensas	1'495.40	85.00
Consumaziuns radunonzas e sesidas	445.00	393.30
Spesas da representaziun	330.00	0.00
2.9 Cuosts finansials		
Tscheins bancars	0.00	0.00
Tscheins hipotecars	2'280.00	2'280.00
Spesas bancaras/schec postal	80.80	23.10
3.0 Taglias		
Taglia sin schischom	1'259.00	1'259.00
3.1 Deducziuns / retenziuns		
Deducziuns sin immobilias	10'700.00	17'600.00
Reserva da persunal	0.00	20'000.00
Total expensas	347'083.50	365'428.12
3. Cumparegliaziun		
Total entradas	325'441.37	360'376.25
Total expensas	347'083.50	365'428.12
Fatg anavon/anavos	-21'642.13	-5'051.87

Preventiv 2015

	Quen 2014	Preventiv 2015
Entradas		
Taglia da cult	234'570.85	235'000.00
Taglia alla fontauna	23'953.50	20'000.00
Contribuziun finanziaria baselgia GR	0.00	30'000.00
Tscheins		
Tscheins casa	54'180.00	54'200.00
Tscheins activs	416.42	400.00
Tscheins da praus e terren	4'021.40	4'000.00
Contribuziuns		
Contribuziun caluster	1'500.00	1'500.00
Contribuziun ductrina	6'000.00	6'000.00
Diversas		
Bunamanas sontget Gedijs	0.00	200.00
Diversas entradas	799.20	500.00
Total entradas	325'441.37	351'800.00
Expensas		
Cuosts persunal/istanzas		
Pagas (incl. gratificaziuns)	189'866.00	193'000.00
Indemnisaziuns funcziunaris	14'837.50	18'000.00
Pagas plevons gidonters (incl. dunsena)	1'642.80	1'800.00
Lavur da giuventetgna CADI	11'884.20	11'500.00
Cuors da perfecziun	1'485.00	1'000.00
Cussegl pastoral	1'500.00	1'500.00
Indemnisaziun organists	8'142.60	8'200.00
Honoraziuns e regals da persunal	220.75	300.00
Ulteriurs cuosts da persunal	3'220.20	3'500.00
Cuosts socials		
Cassa da cumpensaziun AVS	14'311.20	14'600.00
Cassa da pensiun	9'524.30	10'000.00
Cassa da malsauns ed accidents	1'646.40	1'700.00
Indemnisaziun da spesas	250.00	300.00
Sedutas / protocols	4'866.00	5'000.00

Cuosts immobilias ed indrezs		
Manteniment casas	9'818.65	10'000.00
Manteniment baghetgs	0.00	2'000.00
Manteniment indrezs	1'872.75	3'000.00
Manteniment e cuosts dad orglas	1'381.00	1'500.00
Manteniment baselgias/capluttas	7'070.40	2'500.00
Lavurs da conturon	1'620.40	1'700.00
Jeli/electricitad/aua	3'187.75	5'000.00
Serenera/canalisaziun/miardas	3'781.00	4'000.00
Cuosts generals		
Tscheins e spesas da banca	2'360.80	2'400.00
Taglias / taxas	1'259.00	1'700.00
Segiradas	3'360.20	3'400.00
Auto, garascha/cuostrs da viadi	3'600.00	3'600.00
Cuosts da viadi dil persunal/excursiuns	1'180.60	1'200.00
Contribuziuns e taxas	4'681.30	5'000.00
Donaziuns	1'760.15	2'000.00
Ulivaziun sperditas	0.00	1'000.00
Cuosts ministrants	1'068.30	1'500.00
Incasso taglia	7'797.35	8'000.00
Uorden per dar ductrina	5'162.05	6'000.00
Stampats / inserats	5'206.45	5'500.00
Material da biro, eed	2'471.25	2'000.00
Portos, telefon, internet	1'556.20	1'600.00
Consum. radun. e sesidas/spesas representaziun	775.00	500.00
Embelliments	520.55	600.00
Diversas expensas	1'495.40	2'000.00
Deducziuns	10'700.00	11'000.00
Total expensas	347'083.50	359'100.00
Cumparegliaziun		
Total entradas	325'441.37	351'800.00
Total expensas	347'083.50	359'100.00
Fatg anavon/anavos	-21'642.13	-7'300.00

Revista dil quen dalla baselgia s. Vigeli

Entradas	Onn current	Onn precedent
Unfrendas ordinarias	12'144.60	11'134.95
Glischettas	5'541.45	5'205.25
Cassa s. Antoni	5'532.30	3'232.45
VT/restit. cuosts comunabels	2'668.35	2'699.00
Tscheins bruts	4'892.90	7'538.50
Restituziun messas fundadas	7'000.00	6'000.00
Renovaziun s. Vigeli (legat+tscheins)	5'074.80	11'898.35
Diversas entradas	760.00	0.00
Total entradas	43'614.40	47'708.50
Expensas		
Unfrendas/collectas	550.00	0.00
Segiradas/taxas	7'310.80	7'438.45
Energia	12'902.95	12'286.60
Stipendis messas fundadas	2'230.00	2'260.00
Embelliments/candeilas	1'624.25	1'433.50
Vins da messas/hostias	967.00	1'741.20
Manteniments/REP/schubergiar	13'947.35	3'465.20
Portos/spesas/cummiss.bancaras	22.40	27.05
Access baselgia s. Vigeli	0.00	0.00
Allelujas	0.00	1'000.00
Total expensas	39'554.75	29'652.00
Surpli entradas / expensas	4'059.65	18'056.50

Revista dil quen dalla baselgia s. Giachen

Entradas	Onn current	Onn precedent
Unfrendas ordinarias	4'477.05	5'352.61
Glischettas	2'708.80	2'455.60
Bunamanas/legats	100.00	0.00
VT/restit. cuosts communabels	3'626.55	608.45
Tscheins bruts	160.50	218.35
Restituziun messas fundadas	2'500.00	2'500.00
Diversas entradas	0.00	0.00
Baselgia s.Vigeli (cumpart quen)	0.00	273.05
Total entradas	13'572.90	11'408.06
Expensas		
Unfrendas / collectas	0.00	0.00
Segiradas / taxas	2'851.10	2'751.20
Energia	6'898.55	5'379.35
Stipendis messas fundadas	1'160.00	1'230.00
Embelliments / candeilas	774.20	2'163.35
Vins da messas / hostias	310.80	217.00
Manteniments / REP / schubergiar	889.30	3'216.95
Tscheins / spesas bancaras	8.00	9.70
Total expensas	12'891.95	14'967.55
Surpli entradas/expensas	680.95	-14'069.85

Facultad baselgias e capluttas

		Onn current	Onn precedent
Sedrun: Baselgia s. Vigeli	Facultad	1'278'306.36	1'273'335.40
Ugau e caluster:	Deivet	540'000.00	540'000.00
Monn Sep Andriu e Marianna	Fondo messas fundadas	171'460.00	176'960.00
Rueras: Baselgia s. Giachen	Facultad	7'921.27	7'240.32
Ugau e caluster:	Fondo messas fundadas	100'810.00	103'310.00
Monn-Monn Imelda			
Selva: Baselgia s. Gion e Paul			
Ugau e caluster:	Facultad	4'926.70	4'574.15
Monn Gion Giachen	Fondo messas fundadas	25'500.00	25'500.00
Tschamut: Caplutta s. Clau			
Ugau: Hendry Fidel	Facultad	845.70	994.70
s. Brida: Caplutta s. Brida			
Ugau: Venzin Mudest	Facultad	9'914.81	9'934.31
Giuv: Caplutta s. Bistgaun			
Ugau: Monn Gion Giachen	Facultad	198.57	294.42
Zarcuns: Capl. Nossadunna			
Ugau: Schmid-Manetsch Vigeli	Facultad conto «Renovaziun»	10'174.32 36'193.55	11'199.07 150'872.30
Camischolas: Caplutta s. Onna			
Ugau: Cavegn Venanzi	Facultad	4'439.95	3'145.80
Bugnei: Caplutta s. Giusep			
Ugau: Solèr Ambrosi	Facultad	35'994.10	34'758.55
Cavorgia: Caplutta s. Leci			
Ugau: Cavegn Margrith	Facultad	1'488.85	1'877.80
Surrein: Caplutta s. Antoni			
Ugau: Loretz Jovita	Facultad	42'694.30	42'053.30

Rapport dils revisurs da quen

Per la radunonza dalla Pleiv da Tujetsch

Stimada suprastonza

Stimadas commembras, stimai commembers dalla Pleiv da Tujetsch

La revisiun dil quen 2014 ei vegnida fatga entras ils 2 revisurs en preschientscha dil cassier ils 4 d'avrel 2015. Tier nossa controlla havein nus inspectau il quen e la bilanza sco era ils quens dallas baselgias e capluttas.

Sco usitau ei il quen menaus, conform alla contabilitad moderna, schuber e bein. Tut ils mussaments ein avon maun e corrispundan allas cudischa-ziuns. Tier tut nossas damondas ha il cassier saviu porscher il sclariment giavischau.

Sin fundament da nossa controlla proponin nus alla radunonza generala:

- a) dad approbar il quen e la bilanza 2014 dalla Pleiv da Tujetsch
- b) da dar scarica al cassier ed a tuts funcziunaris dalla suprastonza
- c) d'admetter al cassier Simeon Cavegn in cordial Dieus paghi per siu grond engaschi.

Rueras/Sedrun, avrel 2015

Ils revisurs:

Linus Vincenz, Emil Soliva

Officials dalla Pleiv Tujetsch

Suprastonza dalla pleiv

president	Brugger Leci, Sedrun
vicepresident	Monn Ignazi, Sedrun
actuar	Caduff Arthur, Sedrun
cassier	Cavegn Simeon, Sedrun
assessur	Hendry Wendelin, Camischolas sur Thomas Arkuszewski (ex off.)

Post da contact

Cavegn-Flury Margrith, Sedrun

Revisurs da quen

Vincenz Linus, Rueras
Soliva Emil, Sedrun

suppleants

Monn Gion Giachen, Rueras
Venzin Mudest, Rueras

Ugaus baselgias e capluttas

Tschamut	Hendry Fidel, Tschamut
Selva	Monn Gion Giachen, Rueras
s. Brida	Venzin Mudest, Rueras
Giuv	Monn Gion Giachen, Rueras
Rueras	Monn Imelda, Rueras
Zarcuns	Schmid Vigeli, Zarcuns
Camischolas	Cavegn Venanzi, Camischolas
Sedrun	Monn Sep Andriu e Marianna, Sedrun
Sontget dils gediis	Deragisch Valentin, Sedrun
Bugnei	Solèr Ambrosi, Bugnei
Surrein	Loretz Jovita, Surrein
Cavorgia	Cavegn Margrith, Sedrun

Organists/As

Pöhl Marcel, Cavardiras
Schmid-Bläsi Fabiola, Cuera
Simonet Claudi, Curaglia
Steinacher Erica, Mustér

Dirigents dils chors

baselgia Sedrun	Spescha Gieri, Vella
baselgia Rueras	Spescha Gieri, Vella
vicedirigent	Hendry Benedetg, Sedrun (CB Sedrun)

Calusters Sedrun	Monn Sep Andriu e Marianna, Sedrun
Calustra Rueras	Monn-Monn Imelda, Rueras
Caluster Selva	Monn Gion Giachen, Rueras
Caluster Tgèsa s. Vigeli	Manetsch-Schmid Maria, Sedrun
Cussegl pastoral	
presidenta	Cavegn-Bisquolm Ursulina, Camischolas
actuar	Munsch-Vincenz Marcus, Sedrun
cassier	Berther Norbert, Camischolas
	Cavegn-Flury Margrith, Sedrun
	Fryberg-Loretz Doris, Sedrun
	Giossi-Caduff Lucia, Rueras
	Hendry Wendelin, Camischolas
	Monn-Monn Imelda, Rueras
	Riedi-Berther Maria Barla, Gionda
	sur Thomas Arkuszewski
ex. officio	
Ductrina	Cavegn-Bisquolm Ursulina, Camischolas
	Venzin Hubert, Rueras
Parter ora la s. communiun, lecturs/as, survetsch preeucaristic e gruppa liturgica	Cavegn-Berther Franzisca, Sedrun
	Cavegn-Flury Margrith, Sedrun
	Deplazes-Monn Ursula, Sedrun
	Giossi-Caduff Lucia, Rueras
	Giossi-Peterhans Tadeus, Rueras
	Monn-Monn Imelda, Rueras
	Monn-Jacomet Marianna, Sedrun
	Monn-Jacomet Sep Andriu, Sedrun
	Munsch-Vincenz Marcus, Sedrun
	Soliva-Flepp Marcel, Sedrun
Affonets en casa da Diu	Cavegn-Bisquolm Ursulina, Camischolas
	Duff-Tuor Jolanda, Zarcuns
	Flepp-Jacomet Andrina, Sedrun
Sminca s. retgs	Monn-Schlosser Astrid, Camischolas

**Caplutta da
s. Leci a
Cavorgia**

